

«ORDENANZA REGULADORA DO PRÉSTAMO DE BIOTRITURADORAS A PARTICULARES PARA A XESTIÓN DE BIOMASA DOMICILIARIA»

CAPÍTULO I. DISPOSICIÓN XERAIS

Artigo 1º. Obxecto

O presente regulamento ten por obxecto establecer as normas as que deberá axustarse o préstamo de biotrituradoras, propiedade do concello, determinando os dereitos, obrigas e réxime de infraccións e sancións.

O Concello de Mondariz, ven de poñer a disposición este servizo, fomentando unha correcta xestión dos residuos de orixe vexetal xerados no ámbito municipal, contribuíndo así o triple obxectivo:

- Evitar que estes residuos rematen no circuíto de recollida do lixo, co conseguinte custe asociado.
- Obter un produto directamente empregable, ben en forma de acolchado nos cultivos, ben de forma complementaria en procesos de compostaxe como material estruturante.
- Reducir os riscos de incendio, evitando as queimas.

Artigo 2º. Ámbito do Servizo

O ámbito do servizo queda circunscrito o uso da maquinaria dentro dos límites do Concello de Mondariz.

Artigo 3º. Fundamento Legal

O Concello de Mondariz, para a xestión dos seus intereses, e no ámbito das súas competencias, pode promover toda clase de actividades e servizos públicos que contribúan a satisfacer as necesidades ambientais e a mellorar a calidade de vida.

O concello, na súa calidade de Administración pública de carácter territorial e dentro da esfera das súas competencias, exercita a potestade regulamentaria que lle atribúe o artigo 4.a) da Lei 7/1985, do 2 de abril, reguladora das Bases de Réxime Local, en relación cos artigos 22.2.d); 25.2. b) e f) ;139-141 do citado corpo legal e artigo 33 do Decreto do 17 de xuño de 1955, polo que se aproba o Regulamento de Servizos das Corporacións Locais.



Artigo 4º. Potestades

Nas materias obxecto deste Regulamento, esta Entidade local, ostenta cantas potestades lle confire o artigo 4 da Lei reguladora das Bases de Réxime Local e demais normativa aplicable, incluídas as potestades de inspección e sancionadora.

CAPÍTULO II. ORGANIZACIÓN E FUNCIONAMENTO DO SERVIZO.

Artigo 5º. Características do Sistema de Préstamo de Microtritadoras

O sistema está composto por dúas microtritadoras accionadas por motor de combustión, ubicadas nas dependencias do Concello de Mondariz, onde poderán ser recollidas polos usuarios polos seus propios medios ou ben repartidas, na medida do posible, por medios do propio concello de Mondariz. Unha vez rematado o prazo de préstamo serán devoltas ó mesmo lugar.

Artigo 6º. Emprazamento da maquinaria

O emprazamento da maquinaria será nas dependencias inferiores do Concello de Mondariz.

Artigo 7º. Usuarios do servizo

Poderán solicitar o servizo municipal de préstamo de trituradoras, tódalas persoas maiores de idade, dadas de alta no Concello de Mondariz como participantes na compostaxe doméstica o abeiro do Plan Revitaliza promovido pola Deputación de Pontevedra.

Os solicitantes serán persoas físicas, e o emprego será sempre no ámbito privado domiciliario, non podendo ser utilizado o material con ánimo de lucro.

Artigo 8º. Presentación de solicitudes

Toda persoa que desexe solicitar o servizo municipal de préstamo de biotritadoras deberá presentar o formulario correspondente (anexo I), debidamente cumprimentado, no rexistro municipal do Concello.



Concello de Mondariz

A continuación, o concello procederá á tramitación da solicitude e comunicarlle ó solicitante a aceptación ou denegación da súa petición en función do cumprimento cos requisitos fixados nesta ordenanza e na lexislación aplicable.

Artigo 9º. Funcionamento do Servizo Municipal de Préstamo de Microtrituradoras

Para recoller a microtrituradora, o técnico municipal responsable do servizo de préstamo porase en contacto co solicitante por vía telefónica para indicarlle o día e a hora na que poderá efectuar a retirada da mesma.

O horario de recollida será de luns a venres de 09:00 a 14:00 h.

No momento da retirada da microtrituradora, o solicitante deberá cubrir un impreso/recibo onde se indicará o nome do usuario rexistrado, o día que se fai entrega da maquinaria, o día no que se traerá de volta ás dependencias municipais (o préstamo non poderá exceder das 48 horas).

O técnico do Concello responsable do servizo de préstamo, informará ó usuario sobre o funcionamento e utilización da maquinaria no mesmo momento da recollida.

O Concello entregará a microtrituradora co depósito de combustible cheo e o usuario deberá devolvela nas mesmas condicións. O incumprimento deste punto incorrerá nunha infracción tipificada no artigo 16º desta ordenanza.

O material a entregar coa máquina será: manual de emprego da maquinaria e rexistro de horas de traballo.

Artigo 10º. Condicións de Utilización

- O emprego das trituradoras límitase a persoas físicas, para uso particular e privado, sempre dentro dos límites territoriais do concello, sendo o usuario o responsable a tódolos efectos do seu



Concello de Mondariz

- manexo, transporte e as súas consecuencias.
- A microtrituradora entregárase perfectamente revisada, coa súa ficha de emprego que deberá acompañar sempre a máquina.
 - A duración do préstamo límitase como máximo a 48 horas, incluíndo no cómputo, sábados, domingos e festivos. Cando o período de préstamo expire, a maquinaria entregárase nas dependencias municipais e en horario de apertura do servizo.
 - Entre dous períodos de préstamo consecutivos, deberá pasar polo menos unha semana.
 - A trituradora entregárase co depósito de combustible cheo, e así indicárase no recibo do préstamo. No momento da devolución, o depósito de combustible deberá atoparse cheo.
 - Na devolución da maquinaria, farase unha breve revisión dos seus compoñentes, e verificarase o correcto funcionamento, sendo responsable do mesmo o usuario que está a utilizar a máquina, ata a aceptación da devolución pola administración.

CAPÍTULO III. DEREITOS E OBRIGAS DOS USUARIOS

Artigo 11º. Dereitos

- Todo cidadán ten dereito a solicitar o servizo, cumprindo as condicións establecidas en artigos anteriores.
- Todo cidadán ten dereito o emprego da maquinaria no ámbito privado, dentro dos límites do Concello de Mondariz.

Artigo 12º. Obrigas

- Todo usuario do servizo está obrigado a un correcto uso da maquinaria en préstamo.
- Todo usuario do servizo está obrigado ao cumprimento das normas establecidas na presente ordenanza.
- Todo usuario deberá respectar en todo momento estas normas, sen prexuízo do cumprimento doutros regulamentos, normas, e lexislación vixente que afecte ao emprego desta maquinaria ou as consecuencias da súa utilización.
- Será de obrigado cumprimento as indicacións ofrecidas polo persoal técnico responsable do servizo do concello no tocante ao mantemento e correcto funcionamento da máquina.



Concello de Mondariz

- Será obrigatorio o emprego do material de protección persoal indicado no manual de emprego que se adxunta coa máquina en préstamo. (O material de protección debera ser disposto polo usuario).
- Calquera incidente, ocorrido durante o emprego da maquinaria, deberá ser comunicado ós teléfonos facilitados polo concello, na maior brevidade posible.
- Deberase indicar as horas de traballo da máquina, diariamente, a través da ficha e documentación que se entregará coa mesma, e que unha vez rematado o préstamo, deberase devolver cumprimentada coa entrega.
- O usuario responderá de calquera dano que se cause a un terceiro polo uso da maquinaria.
- O usuario responderá de calquera dano que cause na maquinaria.
- O usuario será responsable do correcto uso da maquinaria e da adopción das medidas de seguridade que fosen precisas para evitar danos propios e de terceiros.

Artigo 13º. Prohibicións

- Prohíbese o emprego da maquinaria fora dos límites territoriais do concello.
- Prohíbese á persoa usuaria o préstamo, aluguer, cesión ou calquera disposición da maquinaria ou accesorios a favor de terceiros.
- Prohíbese o emprego da maquinaria en limpeza de restos de talas forestais.
- Prohíbese a introdución de elementos distintos a os indicados para o emprego da maquinaria, a saber: ramas procedentes de podas de froiteiras, viña, árbores ornamentais, restos de xardinaría e horta.
- A introdución de restos vexetais que superen o grosor ou diámetro ou forma admitidos pola máquina (diámetro máximo de rama admitido: **7 cm**).
- Prohíbese a desmontaxe ou manipulación da maquinaria, excepto aquelas accións indispensables, indicadas no libro da máquina, destinadas ao correcto funcionamento da mesma, ou o seu transporte.



Concello de Mondariz

Artigo 14º. Obrigas en caso de furto ou roubo

- Efectuar a correspondente denuncia na policía.
- Comunicar telefonicamente ao Concello de Mondariz e presentar copia da denuncia no Concello de Mondariz.
- No caso de non presentar denuncia, considerarase a inhabilitación definitiva no servizo, sen prexuízo de aplicarse o réxime sancionador correspondente.

CAPÍTULO IV. RÉXIME SANCIONADOR

Artigo 15º. Principios xerais

Será infracción administrativa o incumprimento das obrigacións, prohibicións e requisitos establecidos na presente Ordenanza. O réxime sancionador deste Regulamento réxese polos principios contidos na Lei 39/2015, de 1 de outubro, do Procedemento Administrativo Común das Administracións Públicas e demais normativa de desenvolvemento.

Así mesmo, serán de aplicación as disposicións contidas no Título XI da Lei 7/1985, do 2 de abril, reguladora das Bases de Réxime Local.

Artigo 16º. Clasificación das infraccións

As infraccións clasificaranse como leves, graves ou moi graves, sen prexuízo de que todo incumprimento disposto nesta ordenanza, constitúe unha infracción da mesma, quedando a consideración do concello a súa clasificación como leve, grave ou moi grave, e a conveniencia ou non da súa sanción e os termos da mesma, no ámbito das súas competencias.

INFRACCIÓNS LEVES

Serán leves as seguintes infraccións:

- O retraso na devolución da maquinaria non debida a causas xustificadas.
- Non respectar as tarefas mínimas de limpeza, e conservación e mantemento da máquina.
- A non devolución da máquina có depósito cheo



INFRACCIÓNS GRAVES

Serán graves as seguintes infraccións:

- O emprego da maquinaria fora dos ámbitos establecidos para o seu emprego (horta e xardinería).
- O préstamo ou cesión a terceiras persoas.
- O manexo por persoas distintas do titular do préstamo.
- Producir danos na máquina por un uso incorrecto da mesma, polo que o usuario deberá asumir os gastos debidos a súa reparación.
- Uso incorrecto da maquinaria que de lugar a risco en bens ou en persoas.
- Non coidado axeitado da maquinaria no seu uso, transporte ou devolución, que provocasen danos na mesma.
- A reiteración na comisión de dúas faltas leves.

INFRACCIÓNS MOI GRAVES

Serán infraccións moi graves:

- O emprego da maquinaria con fins de lucro, estando expresamente prohibido o seu aluguer, venda ou emprego con fins comerciais, ou diferentes dos especificados para cada máquina.
- Non realizar denuncia no suposto de roubo.
- A reiteración na comisión de dúas faltas graves no período de doce meses.
- Perda da maquinaria ou non devolución da mesma.
- Non coidado axeitado da maquinaria no seu uso, transporte ou devolución, que provocasen danos graves na mesma.

Artigo 17º. Sancións

As infraccións só presente regulamento darán lugar as seguintes sancións, sen prexuízo doutras sancións que poida interpoñer o concello destinadas a sufragar posibles desperfectos ou outros:

- As faltas leves sancionaranse con penalizacións de suspensión temporal dun mes do usuario do servizo, e/ou multa de 60€.
- As faltas graves sancionaranse con multa de 60€ a 300€ e/ou suspensión temporal de un a seis meses do usuario no servizo



Concello de Mondariz

de préstamo.

- As faltas moi graves sancionaranse con multa dende os 300 € ata o valor da máquina, e/ou a suspensión temporal do usuario do servizo de seis meses a baixa definitiva do servizo.

Artigo 18º. Potestade sancionadora

O exercicio da potestade sancionadora prevista nesta Ordenanza, corresponde, á Alcaldía do Concello de Mondariz, con arranxo ao disposto nos artigos 21.1. n) da Lei 7/1985, do 2 de abril, reguladora das Bases de Réxime Local, na redacción dada á mesma pola Lei 57/2003, do 16 de decembro, sen prexuízo da posibilidade de delegar o exercicio da devandita atribución.

DISPOSICIÓN FINAL ÚNICA

Para todo o non regulado expresamente na presente ordenanza estarase ao disposto na normativa xeral aplicable a cada caso.

ENTRADA EN VIGOR

Esta Ordenanza entrará en vigor, unha vez aprobada definitivamente, e convenientemente publicada no Boletín Oficial da Provincia, unha vez transcorrido o prazo ao cal se refire o art.65.2 en relación con o 70.2 de a Lei 7/1985, Reguladora das Bases do Réxime Local.

ANEXO I

SOLICITUDE PRÉSTAMO BIOTRITURADORA

SOLICITANTE:

Nome:		CIF/NIF:
Enderezo:		CP:
		Teléfono:
Munici- pio / Provin- cia:		E-mail:



Concello de Mondariz

REPRESENTANTE:

Nome:	CIF/NIF:
Enderezo:	C.P.:
	Teléfono:
Municipio/Provincia:	E-mail:

OBXECTO (Descrición das tarefas a realizar (podas domésticas, etc.):

--

DECLARA BAIXO A SÚA EXCLUSIVA RESPONSABILIDADE que é certo o que manifesta en todo caso:

- Que é maior de idade.
- Que o emprego da microtrituradora será no ámbito privado.
- Que é o responsable a todos os efectos do seu manexo, transporte e as súas consecuencias, incluíndo os danos ocasionados a terceiros.
- Que efectuará a devolución co depósito de combustible cheo (**de non ser así, será sancionado segundo o artigo 17º da ordenanza reguladora do servizo de préstamo de biotrituradoras do concello de Mondariz**).
- Que cumprirá coas condicións de utilización e as obrigas dos usuarios.

DOCUMENTACION A PRESENTAR:

- Fotocopia D.N.I., N.I.E. no caso de presentación por representante copia do seu D.N.I.

INFORMACIÓN:

Maquinaria solicitada: TRITURADOR GARLAND CHIPPER 790QC

Data saída: _____ Data entrada: _____

Mondariz, a de de 201.....

SINATURA DO SOLICITANTE

FORMULARIO DE DEVOLUCIÓN (a cubrir pola administración):

SOLICITANTE:

Nome:	CIF/NIF:
Enderezo:	CP:
	Teléfono:
Municipio /	E-mail:



Concello de Mondariz

Provincia:		
------------	--	--

REPRESENTANTE:

Nome:		CIF/NIF:
Enderezo:		C.P.:
		Teléfono:
Municipio/Provincia:		E-mail:

-
-
-

<input type="checkbox"/>	Depósito cheo:	Si	Non
<input type="checkbox"/>	Desperfectos:	Si	Non
<input type="checkbox"/>	Devolución no tempo establecido:	Si	Non
	Horas de traballo realizadas:	_____ h	

Observacións no caso dalgunha incidencia:

Mondariz, a de de 201.....

SINATURA

INFORMACION SOBRE PROTECCIÓN DE DATOS - PARA INSTANCIA XENÉRICA.

De acordo có establecido pola normativa vixente en materia de protección de datos, informámoslle de que o responsable de tratamento dos seus datos persoais é o CONCELLO DE MONDARIZ, con dirección en Rúa Merouces, 16 - 36870 MONDARIZ (PONTEVEDRA); info@concellodemondariz.com

1.- FINALIDADE DO TRATAMENTO: Os datos serán utilizados para prestarlle o servizo solicitado na presente instancia. O feito de que non nos facilite parte da información solicitada poderá supoñer a imposibilidade de prestarlle o servizo solicitado.

PRAZO DE CONSERVACION: Os datos facilitados conservaranse durante o tempo necesario para poder atender a súa solicitude, así como para dar cumprimento legal ás xestións administrativas derivadas da prestación do servizo.

2.- LEXITIMACION: Este tratamento de datos persoais está lexitimado polo consentimento que nos outorga ao realizar a solicitude de prestación do servizo.

3.- DESTINATARIOS DE CESIONS: CONCELLO DE MONDARIZ non cederá os seus datos de carácter persoal.

4.- DEREITOS: Ten vostede dereito a acceder, rectificar ou suprimir os datos erróneos, solicitar a limitación do tratamento dos seus datos así como opoñerse ou retirar o consentimento en calquera momento e solicitar a portabilidade dos mesmos.

5.- O CONCELLO DE MONDARIZ dispón de formularios específicos para facilitarlle o exercicio dos seus dereitos. Pode presentar a súa propia solicitude ou solicitar os nosos formularios, sempre acompañados dunha copia do seu DNI, para acreditar a súa identidade.

